



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 52. Bernardus Episcopus Parmensis.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

viti, obsequii debiti, aut domicilii communis necessitate cum excommunicatis communicassent. Atque Gregorii VII. Constitutionem in argumentum adducit.

Sæcul. XII.  
A.C. 1106.  
Sup. lib.  
LXII. §. 51.

## §. LII.

*Bernardus Episcopus Parmensis.*

Gastalla digressus Paschalis Papa Parmam venit, ubi rogatus a civibus Ecclesiam Cathedralē, prius S. Herculano, Patrono suo, Sacram, Sanctæ Virginis honori dedicavit, eamque Ecclesiam soli Sacræ Sedi subiectam declaravit. Ibidem Episcopum ordinavit Bernardum Cardinalem, quem Parmenses, ante biennium ignominiose repulsum, nunc expetebant, eumque Legatum suum constituit. Bernardus ex nobili familia Ubertinorum Florentiæ natus, deinde Institutum monasticum amplexus, primus Abbas S. Salvii Florentiæ, tum Præpositus Generalis Congregationis Vallis umbrosæ, numero septimus, fuit. Eum Urbanus II. Papa Cardinalem Presbyterum Titulo S. Chrysoconi creatum variis Legationibus fungi iussit. Paschalis Papa eundem cum Legati potestate ad Comitissam Mathildem misit, cuius consilio in rebus arduis illa uteretur. Apud Mathildem ergo commorantem non nulli Parmenses pii & Catho-

*Domniz.*  
*Ital. Sacr.*  
*to. 2. p. 181.*

*ibid. p. 215.*

*Domnizo.*

*Hist. Eccles. Tom. XVI. L. lici,*

Sæcul. XII.  
A.C. 1106.

lici, ad eum rogantque, ut ad urbem ipsorum diverteret, & Schismaticos, qui a tempore Cadaloï Antipapæ, olim Episcopi Parmensis, ibi reperiebantur, suo hortatu ad concordiam reduceret. Venit Parmam Bernardus anno millesimo centesimo quarto, ipsa Mathilde suadente, ut iter susciperet. In Festo Assumptionis Sanctæ Virginis Missam solemniter in ejusdem Ecclesia celebrans, de more, recitato Evangelio, pro Concione dixit; verum cum contra Henricum Imperatorem libere declamaret, populus, huic Principi addictus, strictis gladiis in perorantem irruit. Abstrahitur ab Altari, & ex Ecclesia raptatur, ut in carcerem detruderetur. Vasa Sacra, Mathildis, piissimæ Principis, dona, ex Altari auferuntur. At Generosa Mathildis tumultum & Cardinalis periculum per nuncios edocta Parmam cum milite contendit. Illico seditionis auctores consternati Bernardum liberum dimittunt, vasa Sacra restitunt. Quare iisdem Mathildis, Cardinali instantissime rogante, ignovit. Tandem hoc anno millesimo centesimo sexto Parmenses, post obitum Imperatoris, mutata rerum facie, hunc ipsum Bernardum Episcopum sibi dari postularunt.

Sup. l. LX.  
§. 47.

§. LIII.